



Minyak rambut Paris ialah sejenis minyak yang membawa kepada kesihatan dan mengkeritingkan rambut. Minyak rambut ini dibuat oleh orang Islam yang sudah tentu adalah ia minyak rambut yang bersih. Baunya yang wangi akan kekal berhari-hari lamanya dan tetap ia akan menyejukkan kepala. Cubalah sekali baharu tuan mengetahui kebenarannya

dan tetap akan menggambarkan tuan menggunakannya.

Peraturan memakainya: Renjiskan minyak ini 10 atau 12 titik di kulit kepala – gosok dengan jari selama 2 minit dan baharu rambut itu digulung dan disisir mengikut sebagaimana yang dikehendaki dan diamkan sehingga ia kering sendiri.

Jika dibuat demikian adalah ia menjadi sebagai rambut ikal yang sebenar. Harga sebetul \$1.30. Boleh dapat dibeli di mana-mana.


Pembahagia tunggal :

THE ROYAL TRADERS

745, NORTH BRIDGE ROAD, SINGAPORE 7.

Gambari Hadiah:

Yang Berhormat Dato' Onn bin Jaafar berserta keluarganya adalah menjadi gambar hadiah kita kali ini sebagai mengenang kepada usahanya yang dihargakan tinggi terutamanya oleh ahli-ahli UMNO.



Kita berharap gambar ini kelak akan disambut oleh pembaca-pembaca terutamanya ahli-ahli UMNO dan dijadikan perhiasan dinding yang berharga. Walaubagaimanapun, Dato' Onn adalah telah membuat sesuatu jasa yang besar menyatukan bangsa Melayu di dalam masa tiupan angin meMalayankan orang-orang Melayu dahulu – Gambar Capitol Johor Bahru.

Gambar kulit :

Tuan Lovink Persuruhjaya Belanda di Indonesia telah menyerahkan surat tauliahnya kepada Presiden Sukarno di Istana Merdeka di Jakarta pada awal minggu bulan Oktober yang lalu.



Ia terpaksa tunduk memberi hormat kepada Presiden Sukarno dengan merendahkan dirinya. Di Istana ini dahulu, dalam masa penjajahan Belanda, orang besar-besar dan bangsa Indonesia telah tunduk seperti Tuan Lovink itu tatkala menghadap Gabenor Jeneral Belanda di Indonesia di istana yang tersebut itu. Beginilah perubahan zaman di dalam mana mereka-mereka yang dahulunya yakin atas kejayaan bangsa dan percaya kepada tenaga bangsanya sendiri akan dapat menguasai tanah airnya dengan halal - Gambar A. P.